



Universitätsbibliothek Paderborn

**R. P. Theophili Raynavdi, Ex Soc. Iesv. Erotemata De
Malis Ac Bonis Libris, Deqve Ivsta Avt Invsta, eorumdem
confixione**

Raynaud, Théophile

Lvgdvni, 1653

II. Quinam libri generatim loquendo, improbandi?

urn:nbn:de:hbz:466:1-11141

Partitio I. Erotema II.

5

Peniculi fossarij, maledicentissimæ petulantiae repensi, benè memores Theodori Bibliandri aquæ sextarij, grannitus contra librotum quorumcumque confixionem, atque adeò contra Indices expurgatorios, referam infra ex eius præfatione Apologetica pro Alcotano, qui vnum operæ illius scopus, eam cum autore, manifestè reuinct sceleris.

8.

In Catholica Ecclesia, (cuius usibus aduersari, insolentissimæ insanæ damnat S. Augustinus,) Indicem amplum expurgatorium primus, (quod sciam,) confecit in Romana Synodo Gelasius. Exinde ad annum usque 1548. aliis generalis Index non prodiit. Annis verò consequentibus confecti sunt complures, vnum anno 1552. alter plenior anno 1554. rursusque alter anno 1559. Postea etiam Pius V. ex monito Tridentinæ Synodi, alium confecit librorum expurgatorium catalogum, cui plenè perficiendo, & omnibus numeris absoluendo, Gregorius XIII. & Sixtus V. nauarunt operam: iis tamen duntaxat in Indicem relatis libris, qui aperte hæretici essent, aut blasphemi, vel schismatis, ac scandalorum ingeneratiui, aut obscenitate infames. Admouisse Indici extremam manum visus est Clemens VIII. quo Pontifice dilatazæ admodum sunt Indicis fimbriæ; tametsi arctè, & angustè id tunc factum videri debeat, præ posterioribus temporibus.

EROTEMA II.

Qui libri, (generatim loquendo,) improbandi?

Non est standum hac in parte, sensu cuiuscumque; à nonnullis enim, multi libri optimi, retulerunt suffisionem, iuxta illud Claudiani ad Alexium, usurpatum ab Ennodio lib. 2. epist. 6.

9.

Ipse parens vatum, princeps Heliconis Homerus,

Iudicis exceptit tela severa note.

Nec Latinæ Poëeos princeps Maro, in opere ad miraculum exulta, euasit nigros calculos male feriatorum, vt est apud Persium satyr. 1. verbis illis,

Arma virum; nonne hoc sumosum, & cortice pingui,

Vi ramale vetus vegrandi subere coctum?

Eadem nota inusta Lucano atque Papinio; quem tamen Sidonius post carmen 22. scriptorem vocat *praividicatissimum*, & à dotibus optimi autoris celebrant ipsius centur. 1. epist. 13. & in Poëtica Iulius Scaliger lib. 6. cap. item 6. Quid in oratione soluta Tullius, nitentis eloquij idea, nonne distortis quibusdam æui suis ingenii, (referente Fabio lib. 12. institut. cap. 10.) audiuit, scriptor *tumidus*, & *Asianus*, ac *redundans* & *exultans*, ac penè viro mollior? En quæ de scriptis probatissimis sint imperitorum pessimè censem tum iudicia. Attendendum igitur est, non quid hic, aut ille pronuntiet; sed quid ipsa natura rei ferat. Ut plurimum non alios libros, quam malos, esse improbandos, & configendos, videtur extra controversiam. Aio, ut plurimum, quia recenti experimento deprehensum est, aliquos libros nullo modo malos,

A 3

malos,

6 *Qui libri improbandi, generatim.*

malos, viles esse idoneam confisionis materiam: sed hoc & rarum, & recens est, ut *infrā* patebit. Vt plurimum autem libri, qui confixione digni sunt vili, libri sunt mali.

Qui hoc loco dicantur libri mali?

10. *Mali libri nomine, non intelligitur quilibet liber, boni libri nomine indignus, sive malus absolutè, vt cum Metaphysicis loquar: sed intelligitur liber respectuè malus, hoc est, damnosus atque nocivus. Nam, vt differit Sarisber. lib.7. Polycratici c.10. etiam libri in se mali, aliquid boni continent, & legi cum fructu possunt. Sanè si omnes libros in se malos, hoc est, absolutè & in se non bonos, eliminatos quis velit, maximam omnino librorum partem cadere oporteat. Quotus enim est, in tanta librorum, non dico multitudine, sed propè infinitate, quantam prurigo innumerorum scripturientium fundit in dies, qui absolute boni libri nomine venire debeat? Neque hæc noua querela est. Scriptitati passim libros à doctis, & indoctis, querebatur aeo suo Flaccus, multos indicans fundi à multis malos libros. Caditque etiam, ea, vt cum Tertulliano dicam, *imbonitas*, in plerosque libros, qui calculo suffragatorum non idoneorum, boni interdum audiunt.*

Corrupta circa librorum bonitatem iudicia.

11. Nonnullis videntur libri boni, qui teruntur plurimorum manibus: qua rubrica diriguntur Bibliopolæ, qui librorum venditione quaestum captant; sed est rubrica sanè fallax. Quod enim rectè statuebat Ioannes X XII. (referente Nauclero generat.45.) [Nihil est à veritate alienius, multitudinis, sive vulgi sententia, quia quicquid laudat, vituperio dignum est; quicquid cogitat, vanum; quicquid loquitur, falsum; quicquid improbat, bonum; quicquid extollit, infame.] Hæc vniuersè de multitudinis sensu prolata, valent nominatim in hoc negotio, verè enim dixit Gerlo lib. de lande scriptorum, consideratione 10. [Plures emuntur, & studiosius teruntur mali libri, quàm boni.] Nimirum, vt ait Terentianus,

Pro captu lectoris, habent sua fatalibelli.

At lectorum plerique, potius apti sunt ad librum nullius momenti, quàm ad librum exquisitè bonum peruvolutandum. Indignabatur primâ in Rustinum Apologiâ S. Hieronymus, esse qui de libri bonitate, ex lectorum numero pronunciarent, cum tam multi in libris nihili euoluendis reuoluendisque, iuges sint. [Vulgi, (inquit,) lectio contenti, Doctorum aures despiciant, & contemnunt illud elogium quo procax imperitia denotatur:

Non tu in triuis indocte solebas

Stridenti miserum stipula disperdere carmen?

Quasi non cirratorum turba, Milesiorum in scholis figmenta decantet, & testamentum suis, Bessorum cachinno membra concutiat, atque inter scurrarum epulas, nugæ istiusmodi frequententur. Quotidie in plateis, fictus hariolus, stultorum pares verberat, & obtorto scorpione dentes mordentium quatit:

quarit: & miramur, si imperitorum libri lectorēm inueniant?] Quem hīc vocat *obtortum scorpionem*, Epist. 16. vocat *obtortum fūstem*. Et idem iterat lib. 2. in Iouin. ferē in fine, ut propterea suspicari quis possit, in primo loco, pro *scorpionem*, legendum *Scipionem*. *Virgam lauream* interpretatur Casaubonus ad *Theophrasti characteres*, cap. de *superstitione*. Videndus ad eam epistolam 16. Marianus Victorius. Sensus ergo Hieronymi est, miramur li-
bros ineptissimos inuenire lectorses, cùm quotidie circulatores rugiuendi,
tam confertum auditorium nanciscantur? Idem egregiè epistola quadam ad *Eustochium*: [Nullus imperitus scriptor est, qui lectorēm non iuueniat
similem sui; multoque pars maior est, Milesias fabellas reuoluentum, quām
Platonis libros. In altero enim ludus & oblectatio est, in altero difficultas
& sudor mixtus labori. Denique, Timaeum de mundi harmonia, astrorūm-
que cursu, & numeris disputantem, ipse qui interpretatus est Tullius, se non
intelligere confitetur. Testamentum autem Grunnij Corocottæ Porcelli,
decantant in scholis, puerorum agmina cachinnantium. Igitur & noster
Luscius Lauinius fruatur testibus, imò fautoribus suis, vincātque multitudi-
ne, quia forsitan vincit ingenio: mihi sufficit paucorum testimonium. Peruer-
sa igitur amissis est ad libri bonitatem dignoscendam, vulgi confertim le-
gentis iudicium. An non enim argumentum pessimi, turba?

Alij de libri bonitate ex tituli splendore pronunciant. At quām multi im-
ponunt ea ratione lectoribus, appingentes magnificos titulos, quibus siccum
faciant simplicibus? Plinius huiusmodi inanitatem refellit in præfatione ad
historiam, sub finem. [*Inscriptionis* (inquit) apud Græcos mira felicitas,
καὶ τὸν οὐρανὸν inscripsere, quod volebant intelligi fauum: alij *Ἄριδας*, vt
vel lactis gallinaci sperare possis in volumine haustum. Iam *Musa*, παρ-
δεῖται, ἐχειδίος, λεπύρη παναίδιος; inscriptiones, propter quas vadimonium de-
seri possit. At cùm intraueris, Dij., Deæque, quām nihil in medio inue-
nies!] Ex variis antiquis, multa paucis circa titulorum, sive inscriptionum
libris præfixarum varietatem, congesit Iulius Scaliger lib. 3. *Poëtices* c. 126.
Gellius quoque, (non enim aspernabor Grammatici suffragium, quem
D. Augustinus liberaliter eruditissimum nominat, hoc teuctorium insipientiæ
effuse derisit lib. 20. c. 21. collectis multo pluribus inscriptionum, (vt vocat,)
festiuitatibus. Libros mendaciis factos, nomen ac titulum splendidum veri-
dorum præferentes, recensui initio operis de æquiuocatione.

Sed neque, (quod multos facere videmus,) de libri bonitate, ex libro-
rum ab Autore conscriptorum multitudine, est statuendum. Egregiè S. Basilius epist. 74. agens de Apollinare, [Facilitati, (inquit,) scribendi, qua
per occasionem ad quosvis irrepit, coniunctam habens sufficientem linguae
facultatem, orbem libris suis repleuit, contempto Ecclesiaste, qui cauen-
dum esse dicit, ne multi fiant libri. In multitudine autem certum est, quod
multa delinquantur. Nam quomodo potest in multiloquio vitari pecca-
tum?] Eundem Apollinarem, Naz. quoque sugillat orat. 52. quod numero-
sam ingenij fœturam iactaret. Origenem eadem ex causa carpit Theophilus
Alex. epist. 2. *Pasch.* & Epiphan. *hær.* 64. n. 5.

Concluditur,

*Concluditur, libros malos hic non dici, qui non sunt
absolutè, & in se boni; sed tantum
malos respectiùe.*

I 3. Plerique igitur libri, ex iis, qui aliquo ex prædictis modis boni habentur, mali sunt in se, & absolute. Nec idcirco tamen Libitinæ illicò sunt addicendi, cùm tales interdum sint, quibus aliquid insit boni. Imò nullum esse librum tam malum, vt non aliqua parte prodesse possit, censuit Plinius, referente Plinio iuniore lib.3. epist.5. præiueratque Varro lib.6. de ling. Lat. cuius illa sunt scitè æquè ac verè dicta. [In bona segete neque nullum est spicum nequam, neque in mala non aliquod bonum.] Possit de magna librorum parte verè statuere quod de carminibus suis Martialis lib.6.

*Sunt bona, sunt quædam mediocria, sunt mala plura,
Quæ legis hic: aliter non fit, Autem, liber.*

Et lib.7. epigr.65.

*Triginta tanto mala sunt epigrammata libro:
Si totidem bona sunt, Lause, liber bonus est.*

Esse porrò eam librorum tenuium iuxta, ac eximiorum varietatem in Dei Ecclesia opportunam, tanquam diuersæ, & inæqualis supellestilis multiplicatatem, ad instruendam, & exornandam magnam domum, scitè dixit Prudensius in prefatione Enchiridi, versibus illis:

*Multa diuitis domo
Sita est per omnes angulos supellex.
Fulget aureus scyphus,
Nec ære defit expolita pelvis:
Est & olla fistilis,
Granisque, & ampla argentea est paropsis:
Sunt eburna quæpiam.
Nonnulla queru sunt cauata, & ulmo,
Omne vas fit utile,
Quod est ad usum congruens herilem,
Instruunt enim domum.*

Cum igitur libros malos configendos decerno, non id statuo de libris quibusuis in se, siue absolute malis, qui scilicet non sint exquisitè conscripti; sed de libris, qui aliis nocumentum inferre malignitate sua possunt; ideoque sint respectiùe mali. Possimus autem variè coniungendo & absolutam, & respectiùam malitiam librorum, quadruplicem eorum seriem digerere; sunt enim libri quidam mali, & nocui: sunt alij mali, & non nocui: sunt tertio quidam non mali, sed nocui: sunt denique alij utriusque malitiæ expertes; sed quia ita fert eorum fatum, confixioni patentibus. Agendum de omnibus sigillatim.

Series

Partitio I. Erotema III.

9

Series I. Libri mali, & nocivi.

Hac prima serie comprehendam in primis libros illos, qui fidei puritatem commaculant, ut libros hæreticorum, & Atheorum: deinde eos, qui ad nefarium cum Satana commercium manuducunt, ut Magicos, hisque continentes, diuinatorios, quos vno nomine S. Lucas *Actorum 19. curiosos* vocauit; præterea eos, qui depretiare res sacras ob admistiones friuolas possunt, quales multi Apocryphi, scatentes fabulamentis, quibus æstimatio veris sacris narrationibus decedit; in quem ferè finem ab hæreticis non paucæ sacræ historiæ, conflictæ, aut admisto furfure vitioso, adulterata nequiter sunt. Addendi denique prædictis libri obsceni, & famosi, vel aculeati, aut saliti supra iusti ac recti mensuram.

14.

EROTEMA III.

An libri Hereticorum configendi?

Esse configendos hæreticorum libros, negant omnes hæretici, ac nominatim OEcolampadius, in quem agit Vellofillus in *aduertentiis ad tomum 6. Hieronymi, quaest. 9.*

Libri Hæreticorum, citra dubium damnandi.

Quicquid verò hæretici pro se, & libris suis solliciti contendant, nulla placet, aut esse potest dubitatio, quin hæreticorum libri sint suffixione dignissimi. Si enim viuus sermo hæretici, eiusque alloquium deuitandum est Christiano, (serpit enim ut cancer sermo hæretici, autore Apostolo;) & idcirco allocutiones hæreticorum severè dannant Patres, vt Cyprianus epist. 55. ad finem, & epist. 40. n. 16. ac S. Leo serm. 18. de pass. quanto magis scriptio, quæ non volat, & momento dilabitur ut verbum ore prolatum, sed perstat veluti perennis quidam fons virulentæ transmittendæ in infinitos simul mortales, ad quos viua oratio nunquam pertigisset? Quod si hæreticus iam concesserit in Orcum, nec alloqui ultra superstites queat; libris tamen potest etiam iam in Tartaro sepultus, disseminare virus suum: qui proinde multo magis auersandi sunt, quam ipsius hæretici cadauer. Nam in libro sicutur anima ipsa, & malignitas hæretici. Pulchre sanè Themistius orat. 13. [Animam ego sapientis hominis, illius sapientiam esse arbitror, ac mente in atque sermonem: sepulchra verò eiusmodi animarum, libros ac scripta, in quibus tanquam in monumentis, reconditæ eorum reliquæ seruantur.]

15.

Hoc in rem præsentem elegantissime dixit S. Cyrillus lib. 14. de ador. tractans quod Lenit. 11. habetur, de munditia animalis fissam habentis vngulam pedis, ac ruminantis. Econtra enim, ut addit, [Immundus ex lege est, qui altero caret. Quod verò ab his abscedere oporteat, nullaque ratione eorum participes cerni, declarauit, dicens: *De carnis non comedetis, & morticina ipsorum non attingetis.* Neque enim cum viuentibus, (inquit,) versabimini. Et si quis forte

B huius-